



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Concilivm Tolosanvm, XVIII. Episcoporvm Contra Simoniam aliave cleri & populi vitia celebratum anno Domini MLVI. tempore Victoris papae II.

urn:nbn:de:hbz:466:1-15625

CIRCA
ANNVM
CHRISTI
1056.

conuenirent clerici maioris dignitatis electi, tamquam inferioris apud Landauiam, & in plena Synodo depositis crucibus cum sanctis reliquiis ad terram, & versis cymbalis, simul & clauso ostio ecclesie, cum stipatis spinis, & ita carens seruitio & pastore remansit diebus & noctibus, facto anathemate familie regis & sequestrata a tota orthodoxe fidei sorte, & audita tanta submotione, & dilatata per patriam magno strepitu & murmure, coepit rex lacrymari pro damnatione familie sue, desiderans potius pacem cum suo pastore, quam participationem perpetratae iniurie. Aduocatis omnibus comitibus suis requisit apud Landauiam lacrymabili deuotione, simul & familia segregata a Christianorum consortio, & audita eius prece, & data sibi venia simul & familie iuncta cum poenitentia canonice, dixit rex positus manibus suis super altare Petri apostoli & sanctorum confessorum Dubricii, Teliui & Oudocei, & coram utroque populo clericali & laicali: Confirmo hanc eleemosynam, tribuens Deo Henriugunua videlicet, & sanctis predictis, & episcopo Hervualdo, & omnibus pontificibus Landauie in sempiterna consecratione liberam ab omni seruitio seculari & regali, & cum data communionem incolis, in campo & in siluis, in aqua & in pascuis. De clericis testes sunt, &c. Facto anathemate separaturis hanc eleemosynam ab ecclesia Landauie & a pastoribus eius, data autem benedictione seruaturis & confirmaturis in quieta pace. Amen.

ANNO
CHRISTI
1056.

CONCILIVM TOLOSANVM,
XVIII. EPISCOPORVM CONTRA SIMONIAM
aliave cleri & populi vitia celebratum anno Domini
MLVI. tempore Victoris papae II.

TITVLI CAPITVLORVM.

- | | |
|--|--|
| I. De episcopis qui pecuniam ab ordinandis exigunt, & de ordinatis per simoniam. | IV. Contra simoniacos. |
| II. De aetate episcopi, abbatis & diaconi ordinandi. | V. De clerico qui adipiscenda abbatie gratia fit monachus. |
| III. Ut dedicationes ecclesiarum gratis fiant. | VI. De cura abbatum. |
| | VII. De calibatu clericorum. |
| | VIII. Ut laici res ecclesiasticas non usurpent. |

Concil. Tom. 25.

Cccc ij

- IX. *Vt laici res defunctorum suscipere non audeant.* XII. *Vt adulteri & incesti pœniteant.*
 X. *De iure episcoporum in ecclesiis subiectas.* XIII. *Vt hereticorum & excommunicatorum societatem cuncti fugiant.*
 XI. *De iure ecclesiarum.*

P R Æ F A T I O.

ANNO incarnationis dominicæ millesimo quinquagesimo sexto, Idibus Septembris, habita est sancta Synodus decem & octo episcoporum apud urbem Tolosam, iussu domni papæ Victoris, qui ob funditus extirpandam simoniacam hæresim, ac reparandum sanctæ ecclesiæ statum secundum priscorum scita Canonum, vicarios vice sua direxit Rambaldum Arelatensem, & Pontium Aquensem archiepiscopos, qui adiuncto sibi Vvifredo Dei gratia Narbonensi archiepiscopo, aliisque coepiscopis ceterarum urbium sancti Petri auctoritate & prænominati papæ iussione, sanctorum patrum... sequentes, hæc in prouinciis Galliæ atque Hispaniæ perpetim obseruanda æstimauerunt.

C A P I T V L A.

I.

Si quis episcoporum accepta quocumque modo pecunia ordinauerit episcopum, abbatem, presbyterum, diaconum, aut quemcumque alium, qui numeratur inter clericos, ipse gradus sui subiacet periculo: & qui sic ordinatur, nullum habeat fructum ex huiusmodi mercimonio, sed sit alienus eius dignitatis & ordinis quem per pecunias acquisiuit.

II.

Item placuit confirmare, sicut scriptum est, vt episcopus vel abbas presbyter ante triginta annos, diaconus vero ante viginti quinque non ordinetur, nisi aut studio sanctitatis aut sapientiæ ornati,

ANNO
CHRISTI
1056.

prouidentia episcopi simul & cleri promoueantur,
& eadem ordinatione fiat, nisi temporibus secun-
dum Canones statutis: aliter quidem irrita fiat or-
dinatio.

III.

Dedicationes item ecclesiarum eadem sancta
Synodus per pecunias fieri nullatenus voluit.

IV.

Item placuit, vt nullus clericus, vel monachus,
vel alius aliquis, pro eis episcopatum, vel abbatiam,
vel presbyteratum emere præsumat. Sed neque
comes, vel alia vlla potestas, eadem vendere aut
precium pro eis accipere audeat. Quod si quis hoc
transgressus fuerit, nisi resipuerit, & digne satisfac-
erit, communionem priuetur.

V.

Statuit item sancta Synodus, vt si quis clerico-
rum adipiscendæ abbatie causa monachus effectus
fuerit, in abbatia quidem monachus permaneat,
sed ad ipsum honorem, ad quem spirabat, nullate-
nus accedat. Quod si præsumperit, excommuni-
cetur.

VI.

Item decreuit, vt abbates curam monachorum
& monasteriorum exerceant, & eis victum & ve-
stitum secundum regulam sancti Benedicti præ-
beant, & hoc agentes proprium eos habere nulla-
tenus permittant. Ipsi vero monachi absque volun-
tate abbatis præposituram aliquam non teneant.
Abbas autem vel monachus has institutiones cor-
rigentes a propriis corrigantur episcopis.

VII.

Placuit quoque presbyteros, diaconos, & reliquos clericos, qui ecclesiasticos tenuerint honores, abstinere omnimodis ab vxoribus, vel reliquis mulieribus. Quod si non fecerint, honore simul & officio priuentur, & a propriis episcopis excommunicentur.

VIII.

Inter hæc quoque placuit noxios diuerforum scelerum diuersis sententiis refrenari. Et quia audiuius quosdam laicorum nefario ausu res ecclesiasticas suis vsibus applicuisse, & iniusto dominio in suum opus retinuisse, idcirco omnimodis prohibemus, vt nemo laicorum abbatiam monachorum, vel clericorum archidiaconatum, neque præposituram, vel honorem presbyterii, vel sacristæ, seu magistri scholæ, neque vllos honores ad ius prædictum pertinentes, ausit suis vsibus retinere; & si fecerit, excommunicationi subiaceat.

IX.

Præcipimus quoque vt nullus laicorum aliquid suscipere audeat de rebus aut substantiis defunctorum, nisi quantum ipsi defuncti adhibitis idoneis testibus in vita sua ordinauerint; aut si intestati obierint, ad libitum propinquorum heredum diuidantur.

X.

Statuimus etiam, vt ecclesiæ ad sedem pertinentes, quæ soluunt tertium, aut paratam, vel Synodum, solito more persoluant episcopis vel clericis. De iis vero ecclesiis, quæ non dant tertium,

ANNO
CHRISTI
1056.

vel paratam, tertia pars decimarum cum primitiis & oblationibus, quæ de cœmeteriis & defunctis consequantur, episcopo & clericis assignetur. Simili quoque modo statuimus de ecclesiis ad monasteria pertinentibus.

X I.

Item de ecclesiis in alodiis laicorum constitutis, vt tertia pars decimarum cum primitiis, & presbyterio, & ceteris in potestate presbyteri ad seruitium ipsius ecclesiæ sub episcopi, vel clericorum ditione permaneant. Qui autem contrarii sanctæ matri ecclesiæ & auferunt & retinent ad suum opus alodia, quæ pertinent ad communitates canonicorum, vel monachorum, nisi resipuerint, & reddiderint ea, prædicto anathemati subdantur.

X II.

Adulteros vero, incestuosos, ac periuros moneamus per Domini obedientiam, & Petri apostolorum principis, & domini Victoris, & nostram, vt resipiscant a vitiis huiusmodi, & ad dignam satisfactionem secundum statuta Canonum perueniant, & excommunicamus id in futuro fieri nulloatenus.

X III.

Cum hæreticis & cum excommunicatis vllam participationem vel societatem habentem præcipue excommunicamus, nisi correctionis vel admonitionis causa, vt ad fidem redeant catholicam. Si qui autem adiuuantes eos defendere conati fuerint, vinculo simul excommunicationis cum eis subditi permaneant.

Quæcumque superius scripta * tenentur, confirmauit & anathematizauit subscripta sancta Synodus prædictis congregata temporibus iubente papa Victore, regnante Henrico Pio imperatore, sub venerabili Pontio Tolosano comite. Quibus quicumque obedire studuerit, Domini benedictione & apostolica repleatur; qui vero contemptor & inobediens extiterit, Domini iudicio perpetualiter subiectus sit. Firmant & consignant Rambaldus Arelatensis & Pontius Aquensis archiepiscopi, vice papa Victoris. Consignat Vvifridus Narbonensis Dei gratia archiepiscopus. Confirmant domini antedicti episcopi, scilicet, Arnoldus Tolosanus episcopus, Bernardus Biterrensis, Gontherius Agathensis, Arnaldus Bernardus Aginensis, Raimundus Vasatensis, Arnaldus Magalonensis, Elfandus Aptensis, Petrus Ruthenensis, Proterius Nemaufensis, Rostagnus Luteuensis, Heraclius Bigorrensis, Bernardus Conuenensis, Bernardus Conforanensis, Arnaldus Elnensis.

ANNO
CHRISTI
1056.

CONCILIVM COMPOSTELLANVM

A CRESCONIO COMPOSTELLANO ARCHIEPISCOPO
ad disciplinam ecclesiasticam restaurandam celebra-
tum anno Domini M L V I. tempore Victoris papæ II.

NOTA.

Acta Con-
cilii quæ.

* *Concilium.*] In hoc Concilio ex schedis Antonii Augustini asserit Baronius, inter alia quæ ad disciplinam ecclesiasticam conseruandam spectant, illud sancitum reperiri, Vt sacerdotes omnes episcopi atque presbyteri Missam quotidie celebrarent: Vt clerici tempore ieiunii & litaniarum, quoties publica delictorum expiatio indicetur, cilicio induerentur. Hæc Baronius ex prædicto codice Antonii Augustini anno 1056. num. 16.

VITA ET EPISTOLA

STEPHANI PAPÆ IX.

Stephanus
quando &
a quibus

STEPHANVS, antea Fridericus appellatus, ex abbate
Cassinensi & cardinale presbytero communi totius
cleri

ANNO
CHRISTI
1057.